

左手降生...
塗手捧扶爾。不致蹶躓也。爾何不踏空而下。以試之乎。耶穌曰。經云。天主之能。非可作意試者。次又誘以貪。乃引躋高山之巔。陳天下萬國於前曰。此皆吾所統者。爾能屈已拜我。吾其授爾。耶穌始叱之曰。娑殫譯言欺罔人之邪魔也去。經云。惟宜欽崇一天地之主。而專祇之。娑殫於我何有哉。耶穌退其三攻。而魔遂遁。○吾主容此魔試。政以示人魔誘多端。而魔遂遁。攻伐不已。而我必當以欽主命。崇經旨。敵勝之也。天神至。顯像進食。耶穌享焉。今教中每年春時大齋四十日。蓋本于此。

聖若翰再三證耶穌爲眞主 第三

若翰野處。信從者甚衆。國中司古教者。擬之未能決。乃遣高士數人訪之曰。吾師何人也。豈諸先聖所望救世之契利斯督與。抑先知之聖歟。曰。否。吾只爲聲。呼號于野。勸衆開塞治道。預備以迎降世之主者也。使者學士復問曰。旣非棟世之主。柰何洗人。曰。吾所用水。只洗滌人形。受洗中。有一人焉。生乎吾後。實在吾前。以聖神洗滌人心。其手若簸揚之箕。汰糝糠。同荒草置永火中。惟精粲是留。而

納諸倉蓋指耶穌為真天主判惡者于地獄登善者于天堂是乃契利斯督也。吾固未堪為解厥履之役者。且我目擊聖神降臨其首。聞空中語云。茲乃我所愛之子。故知其為天主子矣。

耶穌初招門徒 第四

次日。若翰見耶穌過語其弟子曰。是即天主羊羔。除免世人之罪者也。古禮以縗羊羔祭天主以贖人致死以贖萬民之罪也其二弟子諳德肋等聞蓋指其良順至慈必將為人罪若翰稱耶穌為羊羔者遂往隨之。同留一日。諳德肋歸語其弟西滿曰。幸哉。吾已見契利斯督救世之主矣。乃引見耶穌。耶穌呼之曰。西滿。爾今後當稱為伯鐸羅。譯言石也蓋指其堅

定必為聖教大基也越日。耶穌見斐理伯。召之曰。爾宜從我。斐理伯乃伯撒依達之人。與諳德肋同鄉。見其里人納大。謂之曰。梅瑟古聖及諸先知所預言救世之主。吾實已見之。即耶穌。納雜勒郡人也。納大曰。從納雜勒郡。安有笑物出哉。斐理伯曰。爾試同往謁。即知之矣。耶穌見而稱曰。此真義獵。阨如德亞國人古祖之子。無偽詐者。納大曰。何從知我。曰。斐理伯未